

Հայոց՝ զոր ինքեանք լուցանեն՝ այլ Պատարադի և հոգե-
ւոր պաշտօնի ոչ ունին սովորութիւն։ Իսկ Գրիգոր յա-
մենայնի մերժէր զանտեղի բանս նորա, և ոչ կամէր յա-
փըշտակիլ իրաւանց իւրոց։ Դատաւորն խնդրեաց ՚ի Գրի-
գոր Պատրիարքէ վկայիւք հաստատել զխնդիրն՝ զոր պա-
հանջէր ՚ի Լատինաց. և նա ածեալ կացոյց առաջի նորա
զայլազգիս Երուսաղէմի և Բեթղեհէմի. եւ նոքա ետուն
բարւոք վկայութիւն թէ՛ Հայք կատարէին զպաշտօնս և
զպատարագս իւրեանց յայրին Ծննդեան, և ոչ ոք էր որ
հակառակ կայր նոցա. եւ դատաւորն ՚ի գրի եհար զբան
վկայութեան նոցին, և պատուիրեաց փոխանորդին Լատի-
նաց ՚ի բաց կալ ՚ի հակառակութենէ, և չխափանել զպաշ-
տօնս Հայոց եւ լուցանելոյ զկանթեզս իւրեանց, \ ԿԳ
(1618)։

Թէպէտեւ ՚ի դատաստանի աստ և ՚ի քննութեան՝ յայտ-
նի եղեւ իրաւունք Հայոց, և հաստատեցաւ գրովք դա-
տաւորին. այլ փոխանորդն Լատինաց ոչ առնոյր յանձն
առնալ հրամանի դատաւորին, եւ ոչ ունկն մատուցանել
վճռոյ նորին։ Այլ դարձեալ արգել զմուտս Հայոց յայրն
Ծննդեան եւ խափանեաց զհոգեւոր պաշտօնս և զպատա-
րագս նոցա։

Տրտմութիւն մեծ էր Գրիգորի և անպակաս ցաւ սրտի՝
յանիրաւ զրկանացն Լատինաց. սակայն և այնպէս ոչ կա-
րաց թողուլ իսպառ զայն ՚ի ձեռաց. այլ անկաւ ՚ի դրունս
մեծամեծացն Երուսաղէմի, եւ հազիւ ուրեմն կարաց հա-
ճել զմիտս նոցա. հանրազրութեամբ ծանուցանել զիրան
Արքայի, և հրովարտակաւ բառնալ զընդդիմութիւնս Լա-
տինաց. եւ նոցա յանձն առեալ գրեցին զամենայն անցսն
որք անցին ընդ Հայս եւ ընդ Լատինս. և թէ ո՞րպէս ար-
համարհեն նոքա զհրաման և զվճիւր դատաւորին, այլովքն
հանդերձ. ընդ նմին առաքեցին և զվճիւր մեծի դենպետին,
զոր առեալ էր յառաջագոյն Գրիգոր Պատրիարքն։ Ի հասա-
նել թղթոց ՚ի քաղաքն Կայսերական, գրեցաւ հրովարտակ
՚ի հաստատութիւն իրաւանց եւ սովորութեանցն Հայոց.
՚ի \ Ճէմազիւլ էվլէլ ամսոյ, \ ԿԳ (1619)։ Յայս նուագ
եւս մնացին Հայք յայրին Ծննդեան։

Գրիգոր Պարոն Տէր երկայնմտութեամբ տանէր դառ-